

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj: 7/10), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 13. sjednici, održanoj dana 04.06.2015. godine, d o n o s i

ZAKLJUČAK

I

Daje se saglasnost na usaglašenu dopunu i izmjenu Okvirnog programa zbrinjavanja mogućeg tehnološkog viška zaposlenika u osnovnim i srednjim školama na području Zeničko-dobojskog kantona, broj: 10-38-11353/15., od 20.05.2015. godine, potpisan između Ministarstva za obrazovanje, nauku, kulturu i sport Zeničko-dobojskog kantona i predsjednika sindikata osnovnog obrazovanja i odgoja i sindikata srednjeg i visokog obrazovanja, odgoja, nauke i kulture Zeničko-dobojskog kantona.

II

Zaključak stupa na snagu danom donošenja.

Broj: 02-_____/15.
Datum, 04.06.2015. godine
Zenica

PREMIJER

Miralem Galijašević

DOSTAVLJENO:

1x Ministarstvu za obrazovanje, nauku, kulturu i sport,
1x Predsjednik samostalnog sindikata osnovnog
obrazovanja i odgoja ZDK-a, putem ministarstva,
1x Predsjednik samostalnog sindikata srednjeg i visokog
obrazovanja, odgoja, nauke i kulture ZDK-a, putem ministarstva,
1x a/a.

Na osnovu člana 98., Zakona o radu („Službene novine F BiH“, broj: 4/99, 32/00 i 29/03), Ministarstvo za obrazovanje nauku, kulturu i sport Zeničko-dobojskog kantona i Samostalni sindikat osnovnog obrazovanja i odgoja Zeničko-dobojskog kantona a i Sindikat srednjeg i visokog obrazovanja, odgoja, nauke i kulture Zeničko-dobojskog kantona usaglasili su:

Dopunu i izmjenu Okvirnog programa zbrinjavanja mogućeg tehnološkog viška zaposlenika u osnovnim i srednjim školama na području Zeničko-dobojskog kantona

Član 1.

(Dopuna člana IV)

U Okvirnom programu zbrinjavanja mogućeg tehnološkog viška zaposlenika u osnovnim i srednjim školama na području Zeničko-dobojskog kantona, (Službene novine Zeničko-dobojskog kantona“, broj: 8/11), u članu IV, iza tačke c), dodaje se nova tačka d), koja glasi:

„d) Osoba koja je kao prethodno utvrđeni tehnološki višak stekla ugovor na neodređeno vrijeme, na istim poslovima, prilikom utvrđivanja tehnološkog viška, ista se smatra tehnološkim viškom u odnosu na zatečene zaposlenike sa ugovorm na neodređeno vrijeme na istim poslovima.“

Član 2.

(Izmjena člana VII)

U članu VII, u stavu 1., alineja četiri, mijenja se i glasi:

„Komisija priprema pojedinačno rješenje o utvrđenom tehnološkom višku koje sadrži precizne podatke o utvrđenom broju časova, odnosno nedostajuću normu sati, koje potpisuje ministar, i koje se putem škola dostavlja zaposlenicima.“

Član 3.

(Stupanje na snagu)

Ovaj Okvirni program stupa na snagu danom potpisivanja od strane ovlaštenih predstavnika sindikata i Ministarstva za obrazovanje, nauku., kulturu i sport, uz saglasnost Vlade Zeničko-dobojskog kantona, i objaviti će se u „Službenim novinama Zeničko-dobojskog kantona“, kao i na službenoj web-stranici Zeničko-dobojskog kantona.

Broj: 10-38-11353/15.
Zenica, 20.05.2015. godine

Ministarstvo za obrazovanje, nauku, kulturu i sport

MINISTAR

Mensur Sinanović s.r.

Predsjednik samostalnog sindikata osnovnog obrazovanja i odgoja ZDK-a,
Selvedin Šatorović, s.r.

Predsjednik samostalnog sindikata srednjeg i visokog obrazovanja, odgoja, nauke i kulture ZDK-a,
Đevad Hadžić, s.r.

Na ovaj Okvirni program zbrinjavanja mogućeg tehnološkog viška zaposlenika u osnovnim i srednjim školama na području Zeničko-dobojskog kantona, svoju saglasnost dala je Vlada Zeničko-dobojskog kantona, svojim zaključkom broj: 02-_____/15., od _____. 2015. godine.

Ovjerava:
Sekretar
Mirsad Kadić s.r.